

**853.**

1437 Juli 6

***Mußer bekennt eine Schuld.***

*fol. 158r* Muszer hat bekanth, daz er syn stifkynden schuldig 15 gulden. Darvor hat er on syn erbe benumet, daz sy sich des geldes vor idirmenlichen daran irholen sullin unschedelich der stad und den, dy gerechtikeit vormalz daran haben. Actum sabbato post processionum (Marie) coram proconsule Alznicz anno etc. ut supra.

**854.**

1437 September 7

***Hans Frischman erhält die Obermühle drei Jahre verpachtet.***

*fol. 158r* Actum sabbato vor nativitatis Marie hat man Hansz Frischzman, dem mulmeister, dy obere mule hyngelaszin umbe dy dritte meczcze und den drittin genisz an allen sachin. So sal er den drittin pfennig darlegin und man hat sy òm hyngelaszin, dry jar. Er<sup>a)</sup> habin globet der sache redelichen vorzustehin und getrùwelichin czu haldin, darzu hat er syn eyt gethan, man sal om eyn vom rathe darczu bestellin der òm vorderunge und hilffe thût mit des rates hilffe. Waz man uz den kestyn und an zinszin der slifwerg und òl bångk obir dy czinsze erobrigit und obir der mûle notdorft blybet, daz sal man den schuldigern noch anczal laszin czu stüwer komen an irer schult. Auch ist beteidigit, daz er noch der vorgangin zyt dry jar alle dingk sal laszin, alz sy òn geantwort werden. Wordin<sup>b)</sup> er daran icht beszern, daran moste man òm widirstad(ung) thun, worde er es ergern, so moste erz irstatten noch irkenthnisz. Geschen ut supra im XXXVII jare der mynner czal by Alznicz, dem burgermeister, und syn kumpan.

*a) über die Zeile geschrieben, ersetzt durchgestrichen sy b) folgt durchgestrichen sy*

**855.**

1437 September 9

***Andres Topfer verpfündet einen Garten.***

*fol. 158v* <sup>a)</sup>Andres Toppfer hat den Fynenbatticher czu Hansze Langin von Gygengrunen hant ingesaczt synen gartin vor dem obern thore, gelegin by der Goldemanen garte, vor 10 guldin wert geldes, dy hat er om globit widir czu gebin uff Jacobi schirst komen. Ab daz nicht geschee, so sal er domite gebaren, alz er<sup>b)</sup> on mit gerichte irstandin hette, daz er syns geschr(iebenen) geldes sich daran mag irholen. Den gartin habin wir Fynebatticher geligin